

Вознесение Господа Бога и Спаса нашего Иисуса Христа.

Вечером среды

Изменяемое №1

На Господи воззвах:

*Стѹх:* Изведи из темницы душу мою, исповедатися имени Твоему.

*Стѹх:* Мене ждут праведницы, дондеже воздаси мне.

*Стѹх:* Из глубины воззвах к Тебе, Господи, Господи, услыши глас мой.

*Стѹх:* Да будут уши Твои внимлюще гласу моления моего.

*Стѹх:* Аще беззакония назириши, Господи, Господи, кто постоит; яко у Тебе очищение есть.

**Глас 6:** Господь Вознесся на небеса, да пошлет Утешителя миру: небеса уготоваша престол Его, облацы восхождение Его. Ангели дивятся, Человека зряще превыше себе. Отец ждет, Егоже в недрах иматъ Соприсносущна: Дух же Святыи велит всем ангелом Его: возмите врата князи ваша, вси языцы воспещите руками, яко взыде Христос, идеже бы первее.

*Стѹх:* Имене ради Твоего потерпех Тя, Господи, потерпел душа моя в слово Твое, упова душа моя на Господа.

**Господь Вознесся на небеса, да пошлет Утешителя миру: небеса уготоваша престол Его, облацы восхождение Его. Ангели дивятся, Человека зряще превыше себе. Отец ждет, Егоже в недрах иматъ Соприсносущна: Дух же Святыи велит всем ангелом Его: возмите врата князи ваша, вси языцы воспещите руками, яко взыде Христос, идеже бы первее.**

*Стѹх:* От стражи утренния до нощи, от стражи утренния, да уповает Израиль на Господа.

**Господи, Твоему Вознесению удившася херувими, зряще Тебе Бога на облацех восходяща, на них сидящаго и славим Тя, яко блага милость Твоя, слава Тебе.**

*Стѹх:* Яко у Господа милость, и многое у Него избавление, и Той избавит Израилья от всех беззаконий его.

На горах святых зряще Твое Вознесение Христэ, Сияние славы Отчи, воспеваем Твой светообразный лица зрак, кланяемся Страстем Твоим, почитаем Воскресние, славное Вознесение славяще: помилуй нас.

*Стѹх:* Хвалите Господа вси языцы, похвалите Его вси людие.

Господи, апостоли яко видеша Тя, на облацех возносима, рыданием слез, Жизнодавче Христэ, скорби исполняеми, рыдающе глаголаху: Владыко, не остави нас сырых, за милосердие возлюбил еси рабы Твоя, яко Благоутробен: но послѹ якоже обещаал еси нам, Пресвятаго Твоего Духа, просвещающа души наша.

*Стѹх:* Яко утвердѹся милость Его на нас, и истина Господня пребывает во век.

Господи, смотрения совершив таинство, пойм Твоя ученики на гору Елеонскую, возносился еси, и се твердь небесную прошел еси, мене ради Обнищавый по мне и возшед отонудуже не разлучился еси, Всесвятаго Твоего Духа низпосли, просвещающа души наша

*Слава, и ныне:* Недр Отческих не разлучся, Сладчайший Иисусе, и с земными яко Человек пожив, днесь от горы Елеонския Вознеслся еси во славе, и падшее естество наше милостивно Вознес, Отцу спосадил еси. Темже небеснии безплотных чинове, чудеси удивляющесе, ужасохуся ужасом, и трепетом содержиши, Твое человеколюбие величаху. С нимиже и мы земнии, еже к нам Твое снизхождение, и еже от нас Вознесение славословяще, молимся глаголюще: ученики, и Родшую Тя Богородицу, радости безчисленныя Исполнивый во Твое Вознесение, и нас сподоби избранных Твоих радости, молитвами их, великия ради Твоея милости.

*<далее см. основной Чин>*

*Изменяемое №2*

Прокимен после «Свете тихий»: *См. Прокимен дня <далее см. основной Чин>*

*Изменяемое №3*

Паримии:

*Пророчества Исаиина чтение. [Глава 2.]*

Тако глаголет Господь: будет в последние дни явлена гора Господня, и дом Божий на версах гор, и Вознесется превыше холмов, и придут на ню вси языцы. И пойдут людие мнози, и рекут:

**приидіте взыдем на гору Господню, и в дом Бога Иаковля, и возвестит нам путь Свой, и пойдём по нему.**

*Пророчества Исаиина чтение. [Глава 62.]*

**Тако глаголет Господь: поидите и внидите враты Моими, уготовите путь Мой, и путь творите людем Моим, и каменья от пути разместите, Вознесите знамение на языки. Се бо Господь сотвори слышано даже до последних земли: рцыте дщери Сионове, се Спаситель твой приходит, имея с собою мзду, и дело Его пред лицем Его. И прозовет я люди святы, избавлены от Господа: ты же наречешься взысканный град, и неоставленный. Кто Сей пришедый из Едома, обращение риз Его от Восора? Сей красен во одежди Своей, вопиет с крепостию велиею: Аз глаголю правду и суд спасения. Почто Ты обращены ризы, и одежды Твоя яко от истоптания точила исполнены истоптания? Точило истоптах Един, и от язык несть муж со Мною. Милость Господню помянух, добродетели Господни во всех, имиже нам воздаёт. Господь, Судия благий дому Израилеву, наносит нам по милости Своей, и по множеству правды Своея. И рече: не людие ли Мои, чада не отвергут ли ся? И бысть им во спасение от всякия скорби их. Не ходатай, ниже ангел, но Сам Господь спасе их: за еже любити их, и щадети их, Сам избави их, и восприят их, и Вознесе их во вся дни века.**

*Пророчества Захариина чтение. [Глава 14.]*

**Тако глаголет Господь: се день грядет господень, и станут нозе Его в день оный на горе Елеонстей, прямо Иерусалима, от восток солнца. И в день оный изыдет вода жива из Иерусалима, пол ея в море первое, и пол ея в море последнее: в жатву и в весну будет тако. И будет Господь Царь по всей земли, в день оный будет Господь един. Имя Его едино, окружающее всю землю и пустыню, от Гавы даже до Реммона, противу хребту Иерусалимлю: и Вознесется, и на месте пребудет, от врат Вениаминовых, даже до места дверей первых, даже до врат угольных, и даже до столпа анамейлева, даже до подточилий царевых, обитают в нём: и анафема не будет ктому, и вселится Иерусалим надеяйся.**

Лития *глас 1:*

Возше́д на небеса́, отону́дуже и соше́л еси́, не оста́ви на́с си́рых Го́споди: да при́дет Тво́й Ду́х, нося́ ми́р ми́рови, покажи́ сыно́м челове́ческим дела́ си́лы Твоея́, Го́споди Человеколю́бче.

Возше́л еси́ Христэ́ к Безнача́льному Отцу́ Твоему́, неопи́санных Егó не́др не разлучи́выйся, и прило́г си́лы хвалéния трисвята́го не при́ша, но еди́наго Сы́на и по вочелове́чении позна́ша Тя́ Го́споди, единоро́дна Отцу́: во мно́жестве щедро́т Твои́х поми́луй на́с.

А́нгели Тво́й Го́споди, апо́столом глаго́лаху: му́жие галиле́йстии, что́ стоите́, зряще на не́бо? Сэй е́сть Христос́ Бо́г, Вознесы́йся от ва́с на не́бо, То́й при́дет па́ки, имже о́бразом ви́десте Егó идуща́ на не́бо: послужи́те Ему́ в преподо́бии и пра́вде.

*Глас 4:* Егда́ прише́л еси́ на го́ру Христэ́ Елео́нскую, О́тчее соверши́ти благоволе́ние, ужасо́шася небесни́и а́нгели, и устраши́шася преиспо́днии. Предста́ша же ученицы́ с ра́достью трéпетни, я́ко глаго́лал еси́ им, я́ко престо́л же готовля́шеся проти́в о́блак жду́щий: врата́ же не́бо отве́рзшее добро́ту явля́ше, и земля́ сокрово́ища открыва́ет, Ада́мову схожде́нию я́ко позна́тися, и па́ки восхожде́нию. но стопы́ у́бо возвыша́хуся, я́коже ру́це, уста́ же вельми́ благословля́ху, я́коже слы́шашеся, о́блак подъя́мляше, и не́бо вну́три Тебе́ при́ят. Де́ло си́е Го́споди соде́лал еси́ вели́кое и пресла́вное, во спасéние ду́ш на́ших.

Низше́дшее естество́ Ада́мово, в до́льнейшыя страны́ земли́, Бо́же новосотвори́вый Собо́ю превы́ше вся́каго нача́ла и вла́сти, возве́л еси́ днесь: я́ко бо возлюбив спосади́л еси́, я́коже поми́ловав соедини́л еси́ Себе́, я́ко соедини́вый спострада́л еси́, я́ко безстра́стен пострада́в, и спросла́вил еси́. Но безплотни́и, кто́ е́сть Сэй, глаго́лаху краси́мый Му́ж? но не челове́к то́чию, Бо́г же и Челове́к, совокупле́нно и явля́емо. Те́мже удиви́ли а́нгели, во оде́ждах лета́юще о́крест ученико́в, друзи́и же стоя́ще вопия́ху: му́жие галиле́йстии, И́же от ва́с оти́де, Сэй е́сть Иису́с Челове́к Бо́г.

Бог Человек паки придет, Судия живых и мертвых, верным же даруяй грехов прощение и велию милость.

Егда Вознеслся еси во славе Христе Боже, учеником зрящим, облацы подымашу Тя с плотию, врата взяшася небесная, лик ангельский радовашеся с веселием, горнейшыя силы зовяху глаголюще: возьмите врата князи ваша, и внидет Царь Славы. Ученицы же дивящися глаголаху: не разлучися нас Пастырю Добрый, но послй нам Духа Твоего Пресвятаго, наставляюща, и утверждающа, и просвещающа, и освящающа души наша.

*Слава и ныне:* Господи, таинство еже от веков сокровенное и от родов исполнив яко Благ, пришел еси со ученики Твоими на гору Елеонскую, имея Рождшую Тя творца и всех Содетеля: Той бо в страсти Твоей матерски паче всех болезновавшей, подобаше и славою плоти Твоея, премногия насладитися радости. Еяже и мы причащающися, еже на небеса восходом Твоим Владыко, великую Твою милость на нас бывшую славим.

*<далее см. основной Чин>*

*[Изменяемое №5](#)*

*[По полиелее седален](#) [глас 5:](#)*

Сошедый с небес на земная, и долу лежащий во адове стражи, совоскресивый яко Бог Адамов зрак, Вознесением Твоим Христе на небеса возвед, престолу Отческому Твоему сосеждителя соделал еси, яко милостив и Человеколюбец.

*[Изменяемое №6](#)*

*[Степенна, антифон 4-го гласа.](#)*

*[Прокимен](#) [глас 4:](#) Взъиде Бог в воскликновении, Господь во гласе трубне. *Стух:* Всеи языцы воспещите руками:*

*<далее см. основной Чин>*

*[Изменяемое №7](#)*

*[По 50-м псалме стихира](#) [глас 6:](#)*

Днесь на небесах горния силы наше естество зряще, дивящися страннаго образа восходу, недоумеваяхуся друг ко другу глаголюще: кто Сей пришедый? Видяще же своего Владыку, небесная врата взяти повелеваху: с нимиже непрестанно воспойм с плотию отонуду паки Грядущаго, яко Судию всех и Бога всесильна.

Канон глас 5.

*Песнь 1.*

*Ирмос:* Спасителю Богу в мори люди немокрыми ногами наставльшему, и фараона со всевоинством потопльшему, Тому Единому поим: яко прославися.

Воспойм вси людие, на рамах херувимских Вознесшуся со славою Христу, и спосадившему нас одесную Отца, песнь победную: яко прославися.

Ходатая Богу и человеком Христа, лица ангельстии видевше, с плотию в вышних удивляхуся, согласно же воспеваху песнь победную: яко прославися.

Явльшемуся Богу на горе Синайстей, и закон давшему боговидцу Моисею, от горы Елеонския Вознесшемуся плотию, Тому вси воспойм: яко прославися.

*Богородичен:* Пречистая Мати Божия, Воплощеннаго от Тебе, и от недр Родителя неотступльшаго Бога непрестанно моли, от всякаго обстояния спасти, яже созда.

Другий канон глас 4.

*Песнь 1.*

*Ирмос:* Отверзу уста моя:

Воскресл еси тридневен, по естеству безсмертный, и явился еси единонадесятым, и всем учеником, и востекл еси Христе ко Отцу, облаком носимь всех Творче.

Вопиет явственнo поя Давид богодохновенный, взыде Господь к небесным, в воскликновении и трубы шуме, и к началосветному Отцу dospé.

*Слава:* Состаревшийся, Господи, мир многими грехми, обновив страстию Твоею и востанием Твоим, возшел еси носимь облаком к пренебесным: слава славе Твоей.

*И ныне, Богородичен:* Владыку родила еси всех, всенепорочная Владычице, страсть вольную приимшаго, и возшедша к Своему Отцу, Егоже не остави, аще и плоть взят.

### Пѣснь 3.

*Ирмос:* Силою Креста Твоего Христѣ, утверди мое помышление, во еже пѣти и славити спасительное Твое Вознесение.

**Возшел еси Жизнодавче Христѣ ко Отцу, и Вознесл род наш Человеколюбче, неизреченным благоутробием Твоим.**

**Чини ангельстии Спасе, человеческое естество видевше совосходящее Тебѣ, непрестанно удивляеми воспеваху Тя.**

**Ужасяхся ангельстии лица Христѣ, зряще Тя с телесем Вознесшася, и воспеваху святое Твое Вознесение.**

**Естество человеческое Христѣ, тлением падшее возставил еси, и восходом Твоим Вознесл еси, и с Собою нас прославил еси.**

*Богородичен:* **Моли непрестанно Чистая, Произшедшаго от ложесн Твоих, избавитися прелести диаволи, поющим Тя Матерь Божию.**

*Ин.*

*Ирмос:* Твоя песнопловцы Богородице:

**Возмите врата небесная, се прииде Христос Царь твари, в тело оболкся земное, горнейшим глаголаху силам дольнейшья.**

**Взыскав Христѣ, прельщеннаго прелестию змиевою Адама, яко в сего оболкийся, возшел еси, и сел еси одесную, яко сопрестолен Отцу, поющим ангелом Тебѣ.**

*Слава:* **Земля празднует и ликует, радуется и небо, Вознесением днесь Творца твари, предьявленно соединившаго разстоящаяся хотением.**

*И ныне, Богородичен:* **Смерти родивши Разрушителя, Единого безсмертнаго Бога, Дево Мати Всечистая: Того присно умоли, умерщвляющья моя страсти уморити, и спасти мя.**

*Седален, глас 8:* **Всед на облаки небесныя, оставив мир сущым на земли, возшел и сел еси одесную Отца, яко Единосущен Сему сый и Духу. Аще бо и во плоти явился еси, но непреложен пребыл еси: темже чаеши совершения конец, судити грядый на землю миру всему. Правосуде Господи, пощади души наша, прегрешений оставление даруя, яко Бог милостив, рабом Твоим.**

*Слава, и ныне: тойже.*

#### Пѣснь 4.

*Ирмос:* Услышах слух силы Креста, яко рай отверзется им, и возопих: слава силе Твоей Господи.

Вознеслся еси во славе, ангелов Царю, Утешителя нам от Отца послав. Темже вопием: слава Христе Вознесению Твоему.

Яко взыде Спас ко Отцу с плотию, удивилася ангельская воинства, и возопиша: слава Христе Вознесению Твоему.

Ангельския силы горнейшим вопияху: врата возьмите, Христу нашему Царю, Егоже воспеваем вкупе со Отцем и Духом.

*Богородичен:* Дева роди, и матерняя не позна: но Мати убо есть, Девую же пребысть, Юже воспевающе, радуйся Богородице, зываем.

*Ин.*

*Ирмос:* Седяй во Славе:

Иисус Жизнодавец приим, ихже возлюбил, на Елеонскую гору восходит, и сих благослови, и облаком носимь Отчая недра доспе, яже никакоже бы оставил.

Мир весь празднует видимый и невидимый: в радости ангели ликуют, и человецы славословяще непрестанно Вознесение, плотию Соединившагося нам благодатию.

*Слава:* Разрушивый державу смерти яко бессмертный Господи, бессмертие всем даровал еси Человеколюбче, и Вознеслся еси во славе, зрящим Тя честным учеником Иисусе всеильне.

*И ныне, Богородичен:* Блаженно чрево Твое Всенепорочная бысть: чрево бо адово преславно истощившаго, несказанно вместити сподобилася еси: Егоже моли спасти нас поющих Тя.

#### Пѣснь 5.

*Ирмос:* Утренююще вопием Ти Господи, спаси ны: Ты бо еси Бог наш, разве бо тебе иного не знаем.

Исполнив веселия всяческая Милостиве, к горним силам с плотию пришел еси.

Ангельския силы вземлема Тебе видевше, врата, зываху Царю нашему, возьмите.

Апóстоли вiдевшe возвышаема Спáса, с трéпетом взыва́ху Царю́ нашeму: сла́ва Тебé.

*Богорóдичен:* Дéву по рождествé поём Тя Богорóдице, Ты́ бо Бóга Сло́ва плóтию мiрови родила́ еси́.

*Ин.*

*Ирмо́с:* Ужасóшася вся́ческая:

Умертвiв смéрть Твоею́ смéртию Гóсподи, взём iхже возлюбiл еси́, возшёл еси́ на Мáсличную гóру святую́, и оттúду востéкл еси́ Христé к Твоему́ Родiтелю, óблаком носiмь.

Стáнно Твое́ рождествó, стáнно Твое́ воскресéние, стáнно и стра́шно Твое́ Жизнодáвче, éже от горы́ Божéственное Вознесéние, éже изъобразу́я Илиá четверокóнный восхожда́ше, воспева́я Тя Чело́веколю́бче.

*Сла́ва:* Зря́щым апóстолом вещáху áнгели: мýжие галилéйстии, что́ чудитéся Вознесéнию Жизнодáвца Христá: Сéй приидет пáки на зéмлю судiти мiру всему́, я́ко Судия́ прáведнейший.

*И ны́не, Богорóдичен:* Дéву сохрани́в Тя́ по рождествé нетлénну, восхóдит Христóс ко Отцú Богородiтельнице, Егóже не оста́ви, áще и плóть прият из Тебé, мýсленную же и одушевлénную, за мiлость неизречénную.

#### *Пéснь 6.*

*Ирмо́с:* Обы́де мя́ бéздна, грóб мнé кiт бы́сть, áз же возопiх к Тебé Чело́веколю́бцу, и спасé мя десни́ца Твоя́ Гóсподи.

Взыгра́шася апóстоли, зря́ще на высотú днёсь Зиждiтеля взéмлема, уповáнием Дúха, и стра́хом зовя́ху: сла́ва восхóду Твоему́.

Предста́ша áнгели, вопию́ще Христé ученико́м Твои́м: iмже óбразом вiдесте Христá восходя́ща с плóтию, пáки приидет Прáведный всéх Судия́.

Я́ко вiдеша Тя́ Спáсе наш небéсныя сiлы, на высотú взéмлема с тéлом, взыва́ху, глаго́люще: вели́ко Влады́ко, чело́веколю́бие Твое́.

*Богорóдичен:* Купинú Тя́ неопали́мую, и гóру, и лéствицу одушевлénную, и двéрь небéсную досто́йно сла́вим Мари́е сла́вная, правосла́вных похвалó.

*Ин.*

*Ирмос:* Божественное сие и всечестное:

Да каплют нам свыше облацы веселие вечное, Христос бо, облаком яко херувимы носимый, к Своему Отцу восходит днесь.

Плоти явився подобием, прежде разстоящаяся собрал еси во едино Человеколюбче, и Вознеслся еси Щедре в небесная, зрящим Тя учеником Твоим.

*Слава:* Что червлены ризы плоти соединившагося дебелству? Святии ангели Христа зряще вещаху, страсти честныя Божественныя носяща образы.

*И ныне, Богородичен:* Поём отроковице зачатие, поём Твое неизреченное рождество, имже избавихомся Чистая тли и озлобления, и мрачнаго адова затворения.

*Кондак, глас 6:* Еже о нас исполнив смотрение, и яже на земли соединив Небесным, Вознеслся еси во славе Христе Боже наш, никакоже отлучаяся, но пребывая неотступный, и вопия любящим Тя: Аз есмь с вами, и никтоже на вы.

*Икос:* Яже земли на земли оставивши, яже пепельная персти уступаящи, приидите воспрянем, и на высоту возведём очи и мысли, вперим виды, вкупе чувства, на небесная врата смерти, нещумим быти в Масличной горе, и взирати на Избавляющаго на облацех носима. Отонуду бо Господь на небеса востече, и тамо даролюбезны дары раздая апостолом Своим, утешив я яко Отец, и утвердив я, наставив яко сынов, и рече к ним: не разлучаюся вас, Аз есмь с вами, и никтоже на вы.

#### *Песнь 7.*

*Ирмос:* В пещи огненной песнословцы спасий отроки, благословен Бог отец наших.

На облацех света Вознесийся, и спасий мир, благословен Бог отец наших.

На раму Спасе, заблудшее взем естество, Вознесся, Богу и Отцу привел еси.

Возше́дый во плóти к безплóтному Отцú, благословéн Бóг отéц нáших.

Умерщвлéное нáше грехóм естество́ взéм, Твоемú свóйственному Отцú Спáсе привéл еси́.

*Богорóдичен:*

От Дéвы рóждся, Ю́же Богорóдицу соде́лал еси́, благословéн Бóг отéц нáших.

*Ин.*

*Ирмо́с:* Не послужи́ша тва́ри:

Свётлый Тя́ Свёт су́ща, подъя́т о́блак Го́споди, от земли́ па́че ума́ восприéмлема и небéснии собо́ри восхвали́ша со апо́столы, глаго́люще: Бо́же благословéн еси́.

Рука́ма вси́ ра́дующеся воспле́щим, Вознесéнием христóвым, и воскликнем: взы́де Бóг во гла́се тру́бне, и се́де одесну́ю, я́ко сопресто́лен Отцú во ве́ки.

*Сла́ва:* Поя́ дрéвле Моисéй вели́кий, зыва́ше: да поклóнятся восходя́щу Христу́ небéснии а́нгели, я́ко все́х Царю́, емúже зове́м: отце́в Го́споди и Бо́же благословéн еси́.

*И ны́не, Богорóдичен:* О чудéс пресла́вных! Ка́ко вместíла еси́ Бóга невместíмаго богора́дованная, плóтию обнища́вшаго, со сла́вою мно́гою в небéсная Возне́сшагося днёсь, и оживíвшаго челове́ки?

#### *Пéснь 8.*

*Ирмо́с:* Из отца́ прэ́жде ве́к рождéннаго Сы́на, и Бóга, и в послéдняя лéта воплощённаго от Дéвы Ма́тере, священницы́ по́йте, лю́дие превозносите́ во вся́ ве́ки.

Во двою́ существú возлетéвшаго Жизнода́вца Христá на небеса́ со сла́вою, и Отцú соседя́щаго, священницы́ по́йте, лю́дие превозносите́ во вся́ ве́ки.

От рабóты идо́льския тва́рь изба́вившаго, и предста́вившаго ту́ свобóдну Твоемú Отцú, Тебе́ Спáсе поём, и Тебе́ превозно́сим во вся́ ве́ки.

Свои́м схожде́нием низложíвшаго супоста́та, и Свои́м возше́ствием Возне́сшаго челове́ки, священницы́ по́йте, лю́дие превозносите́ во вся́ ве́ки.

*Богорóдичен:*

Херувíмов превы́шшая явiлася еси́ Богорóдице Чiстая, во чрéве Твоём сiми Носiмага носiвшая: Егóже со безплóтными, челове́цы славослóвим во вся вéки.

*Ин.*

*Ирмós:* *Отроки благочестiвiя:*

Явiшася ўмове апóстолом в Вознесéнии, и вещáху: чтó взира́юще стоите́ дивя́щися? Сéй восходя́й в небéсная, приидет и пáки судiти iже на землí челове́ком, Судия́ сый Едiн.

Дадiм Бóгу вели́чие, хвалы́ соглáсие воскликнем, воспóйм, лику́им, рука́ми же восплéщим: взы́де Бóг наш на небеса́ от землí, áнгелом, архáнгелом пою́щым Сегó, я́ко Влады́ку и Творца́ всéх.

*Благословiм Отца́, и Сы́на, и Свята́го Дýха, Гóспода.*

Взятся превы́ше áнгел естество́ наше, дрéвле отпадшее, и на престóле посажде́но бы́сть Божéственне, пáче смýсла: приидiте торжествóим и воззовéм: Гóспода пойте́ дела́, и превозносите́ во вся вéки.

*И ны́не:* Сé Сы́н Тво́й Богорóдице, пленiв Крестóм Своiм смéръть, воскрéсе триднёвен, и ученикóм Своiм явлься, востечé к небéсным: с ними́же Тебé поклоня́ющися поём и славослóвим во вся вéки.

Честнэйшую: не поём, но поём:

*Пéснь 9.*

*Припéв:* Велича́й душе́ моя́, Вознесшагося от землí на нéбо, христá жизнoдáвца.

*Ирмós:* Тя́ пáче умá и словесé Мáтерь Бóжию, в лёто́ Безлётнаго неизречéнно рóждшую вёрнии́ единомóдренно велича́ем.

*Припéв:* Велича́й душе́ моя́, Вознесшагося от землí на нéбо, христá жизнoдáвца.

Тебé избáвителя́ мiра Христá Бóга, апóстоли вiдяще Божéственно возвыша́ема, со стра́хом игра́юще велича́ху.

*Припéв:* Велича́й душе́ моя́, Вознесшагося от землí на нéбо, христá жизнoдáвца.

Твою́ обожiвшуюся плóть зря́ще Христé, на высотé áнгели, дрýг ко дрýгу глаго́лаху: воiстинну Сéй ёсть Бóг наш.

*Припéв:* Велича́й душе́ моя́, Возне́сшагося от землі́ на не́бо, христа́ жи́знода́вца.

**Тебе́ безплóтных чи́нове Христе́ Бо́же, на о́блацех взéмлема ви́дяще, взыва́ху: сла́вы Царю́, врата́ возми́те.**

*Припéв:* Велича́й душе́ моя́, Возне́сшагося от землі́ на не́бо, христа́ жи́знода́вца.

**Тебе́ соше́дшаго да́же до послéдних землі́, и челове́ка спáсшаго, и восхо́ждением Твои́м возвы́сившаго, сегó велича́ем.**

*Припéв:* Велича́й душе́ моя́, Возне́сшагося от землі́ на не́бо, христа́ жи́знода́вца.

**Богорóдичен:** Ра́дуйся Богорóдице Ма́ти Христа́ Бо́га: Егóже родила́ еси́, днёсь от землі́ возно́сима со апóсто́лы зря́щи, возвелича́ла еси́.

*И́н.*

*Ирмо́с:* Вся́к земно́родный:

*Припéв:* А́нгели восхо́ждение Влады́ки зря́ще ужа́сáхуся, ка́ко со сла́вою взя́тсá от землі́ на го́рняя.

**О дарóв па́че постиже́ния! О та́инства стра́шнаго! Все́ми бо влады́чествуяй, от землі́ отходя́ к небéсным, учени́ком посла́ Ду́ха Свята́го, просвети́вшаго сих смýсл, и о́гненны сотвори́вшаго благода́тию.**

*Припéв:* А́нгели восхо́ждение Влады́ки зря́ще ужа́сáхуся, ка́ко со сла́вою взя́тсá от землі́ на го́рняя.

**Полцы́ учени́честии, Госпо́дь рече́, ви́ сиди́те во Иерусали́ме: и Аз низпослю́ ва́м утёшителя́ друго́го, Отцу́ сопресто́льна и Мнё равночéстна, Егóже ви́дите взима́ема, и о́блаком свéтлым носима́.**

*Припéв:* А́нгели восхо́ждение Влады́ки зря́ще ужа́сáхуся, ка́ко со сла́вою взя́тсá от землі́ на го́рняя.

**Взя́тсá я́ве великолéпие вы́ше небéс, плóтию обнища́вшаго, и соседéнием Отца́ почтёся естество́ на́ше отпа́дшее: торжеству́им, и согла́сно вси́ воскликне́м, восплещим рука́ми ра́дующесá.**

*Припéв:* А́нгели восхо́ждение Влады́ки зря́ще ужа́сáхуся, ка́ко со сла́вою взя́тсá от землі́ на го́рняя.

**Богорóдичен:** Свёт от Свёта возсия́вый Всенепоро́чная, из Тебе́ возсия́, и че́рность безбо́жия всю́ разруши́, и в но́щи спя́щих просвети́. Сегó ра́ди вси́ по до́лгу Тя́ во ве́ки при́сно ублажа́ем.

Светілен:

Учеником зрящим Тя, Вознёлся еси Христе ко Отцу соседя, ангели предтекуще зовяху: возмите врата, возмите, Царь бо взыде к начальному Свету славы.

<далее см. основной Чин>

Изменяемое №10

На стиховне стихиры глас 2:

Родился еси яко Сам восхотел еси, явился еси яко Сам изволил еси: пострадал еси плотию Боже наш, из мертвых воскресл еси поправ смерть. Вознёлся еси во славе, всяческая исполняяй, и послал еси нам Духа Божественнаго, еже воспевати и славити Твое Божество.

*Стіх:* *Вси языцы воспещите руками, воскликните Богу гласом радования.*

Восприемлему Тебе Христе от горы Масличная, силы зряще, друг другу вопияху: Кто есть Сей? И глаголет к ним: Сей есть Державный и Сильный, Сей есть Сильный в брани, Сей есть воистинну Царь Славы. И почто Ему червлены ризы? Из Восора приходит, еже есть плоти. Ты же Сам яко Бог одесную сед величества, послал еси нам Духа Святаго, да наставит и спасет души наша.

*Стіх:* *Взыде Бог в воскликновении, Господь во гласе трубне.*

Вознёлся еси во славе на горе Масличной Христе Боже, пред Твоими ученики, и сел еси одесную Отца, всяческая исполняяй Божеством, и послал еси им Духа Святаго, просвещающа и утверждающа, и освящающа души наша.

*Слава и ныне: глас 6:* *Взыде Бог в воскликновении, Господь во гласе трубне, еже Вознести падший образ Адамов, и послати Духа Утешителя, еже освятити души наша.*

<далее см. основной Чин>

Утром четверга

Изменяемое №11

По 1-м стихословии седальны глас 1:

Ангелом дивящимся восхода странному, и учеником ужасающимся страшному взытия, возшел еси со славою яко Бог, и

вратá Тебѣ взяшася Спáсе. Сего́ рáди сѣлы небѣсныя дивлѣхуся вопиюще: сла́ва снизхождѣнию твоёму́ Спáсе, сла́ва ца́рствию Твоёму́, сла́ва Вознесѣнию Твоёму́, Еди́не Человеколю́бче.

*Сла́ва, и ны́не, Богоро́дичен: <далее см. основной Чин>*

*Изменяемое №12*

По 2-м стихослóвии седáльны глас 3:

Превѣчный Бóг и безначáльный, е́же восприя́т естество́ челове́ческое, обоготвори́в та́йно днѣсь Вознесѣ́. А́нгели предтеку́ще апóстолом показоваху Сего́ идуща на небеса́ славою мно́гою, Тому́же поклонившеся глаго́лаху: сла́ва Бóгу Вознѣсшемуся.

*Сла́ва, и ны́не, Богоро́дичен: <далее см. основной Чин>*

*Изменяемое №13*

Тропа́рь глас 4:

Вознѣслся еси́ во сла́ве, Христѣ́ Бóже наш, / рáдость сотвори́вый ученико́м, / обетова́нием Свята́го Ду́ха, / извещѣ́нным им бѣ́вшем благословѣ́нием, // я́ко Ты еси́ Сын Бóжий, Изба́витель ми́ра.

*<далее см. основной Чин>*

*Изменяемое №14*

На хвалíteх стихи́ры:

*Стíх: Сотвори́ти в них суд напíсан. / Сла́ва сия́ б́дет всем преподо́бным Егó.*

*Стíх: Хвалíté Бóга во святы́х Егó, / хвалíté Егó во утверждѣ́нии сѣлы Егó.*

*Стíх: Хвалíté Егó на сѣлах Егó, / хвалíté Егó по мно́жеству вели́чества Егó.*

**Глас 1: А́нгельски́ и́же в ми́ре торже́ствуим, на престóле сла́вы Бóгу носíмому, взыва́юще пѣ́ние: Свят еси́́ О́тче небѣ́сный, Сприсносу́щный Сло́ве, Свят еси́́ и Ду́ше Всесвяты́й.**

*Стíх: Хвалíté Егó во гласѣ́ тру́бнем, / хвалíté Егó во псалти́ри и гу́слех.*

**А́нгельски́ и́же в ми́ре торже́ствуим, на престóле сла́вы Бóгу носíмому, взыва́юще пѣ́ние: Свят еси́́ О́тче небѣ́сный, Сприсносу́щный Сло́ве, Свят еси́́ и Ду́ше Всесвяты́й.**

*Стíх: Хвалíté Егó в тимпа́не и ли́це, / хвалíté Егó во стру́нах и орга́не.*

**Начáльницы а́нгелов смотря́юще, Спáсе, восхождѣ́ния стра́нное, недоумева́хуся дру́г ко дру́гу: что́ видѣ́ние сие́? Челове́к у́бо зра́ком ви́димый, я́коже Бóг, превы́ше небѣ́с с плóтию восхо́дит.**

*Стіх:* Хваліте Егб в кимв́алех доброгласных, хваліте Егб в кимв́алех восклиц́анія./ Всякое дых́ание да хвалит Ѓспода.

Галиле́ане зря́ще Тя Вознес́енна, от Ма́сличныя горы́ с т́лом Сло́ве, слы́шаху а́нгелов вопи́ющих їм: что́ стоите́ зря́ще? Сей при́дет па́ки с плóтию, їмже о́бразом ві́десте.

**Сла́ва, глас 2:** Роді́лся еси́ я́ко Са́м восхотѣ́л еси́, яви́лся еси́ я́ко Са́м изво́лил еси́: пострада́л еси́ плóтию Бо́же на́ш, из ме́ртвых воскрѣ́сл еси́ попра́в сме́рть. Возне́слся еси́ во сла́ве, вся́ческая исполня́й, и посла́л еси́ на́м Ду́ха Божѣ́ственнаго, е́же воспева́ти и сла́вити Твое́ Божество́.

*И ны́не, Богоро́дичен: <см. основной Чин>*

*Изменяемое №15*

Кондак *глас 6:*

Е́же о нас испо́лнив смотре́ние,/ и я́же на землі́ соедині́в Небе́сным,/ возне́слся еси́ во сла́ве, Христе́ Бо́же на́ш,/ ника́коже отлуча́ясь,/ но пребы́вая неотсту́пный,/ и вопи́я любя́щим Тя:// Аз есмь с ва́ми и никто́же на вы.

*<далее см. основной Чин>*

### На Литургии

*Изменяемое №17*

Антифо́н 1, псалом 46, глас 2:

Вси́ язы́цы воспле́щите рука́ми, восклі́кните Бо́гу гласом ра́дования.

*Припев:* Молі́твами Богоро́дицы Спа́се спаси́ нас.

Я́ко Госпо́дь Вы́шний стра́шен, Ца́рь ве́лий по все́й землі́.

*Припев:* Молі́твами Богоро́дицы:

Покори́ лю́ди на́м и язы́ки под но́ги на́ша.

*Припев:* Молі́твами Богоро́дицы:

Взы́де Бо́г в воскликнове́нии, Госпо́дь во гласе тру́бне.

*Припев:* Молі́твами Богоро́дицы:

Сла́ва, и ны́не:

*Припев:* Молі́твами Богоро́дицы:

*Изменяемое №18*

Антифо́н 2, псалом 47, глас 2:

Велий Господь и хвален зело, во граде Бога нашего в горе святей Его.

*Припев:* Спаси нас Сыне Божий, Вознесиися во славе, поющыя Ти: Аллилуиа.

Горы Сионския, ребра Северова, град Царя великаго.

*Припев:* Спаси нас Сыне Божий:

Бог в тяжестех Его знаемь есть, егда заступает и.

*Припев:* Спаси нас Сыне Божий:

Яко се царие земстии собращася, снисодшася вкупе:

*Припев:* Спаси нас Сыне Божий:

[\*Изменяемое №19\*](#)

[Антифон 3](#), псалом 48, глас 4:

Услышите сия вси языцы, внушите вси живущии по вселенней.

*Тропарь, глас 4:* Вознеслся еси во славе, Христе Боже наш, / радость сотворивый учеником, / обетованием Святаго Духа, / извещенным им бывшим благословением, / яко Ты еси Сын Божий, Избавитель мира.

Земнороднии же и сынове человечести, вкупе богаты и убоги.

*Тропарь:* Вознеслся еси во славе:

Уста моя возглаголют премудрость, и поучение сердца моего разум.

*Тропарь:* Вознеслся еси во славе:

Приклоню в притчу ухо мое, отверзу во псалтири гонание мое.

*Тропарь:* Вознеслся еси во славе:

[\*Изменяемое №20\*](#)

[Прокимен](#), глас 7: Вознесися на небеса Боже, и по всей земли слава твоя. *Стух:* Готово сердце мое Боже, готово сердце мое: воспою и пою во славе моей.

[\*Изменяемое №21\*](#)

[Аллилуиа](#), глас 2: Взиде Бог в восклицовании, господь во гласе трубне. *Стух:* Вси языцы воспещите руками, воскликните Богу гласом радования.

[\*Изменяемое №22\*](#)

[Причастен:](#) Взиде Бог в восклицовании, Господь во гласе трубне. Аллилуиа, *трижды.*